

投辖录

玉照新志

宋·王明清著

上海书店

宋人小说

《宋人小说》之十四

玉照新志
投辖录

宋·王明清著
上海書店

本书据涵芬楼旧版影印

玉照新志·投辖录

宋人小说之十四

宋·王明清著

上海书店出版

(上海福州路401号)

上海书店上海发行所发行

上海浦江印刷厂印刷

开本 787×1092 毫米 1/32 印张 6 1/2

1990年9月第一版 1990年9月第一次印刷

印数 00061—2000

ISBN 7-80569-268-8/I·83

定价: 3.30 元

玉
照
新
志

據錢唐丁氏所藏鮑祿飲校本

玉照新志序

慶元戊

明本作丙
從秦本改

午明清得玉照一於友人永嘉鮑子正色澤溫潤

制作奇古眞周秦之瑞寶也又獲米南宮書玉照二字因揭寓舍
之斗室屏跡杜門思索舊聞凡數十則綴緝之名曰玉照新志務
在直書初無私意爲善者固可以爲韋弦爲惡者又足以爲龜鑑
間有奇怪諸謠亦存乎其中若夫人禍天刑則付之無心可也長
至日汝陰王明清書

玉照新志卷第一

神廟聖意銳於圖治熙寧之政既一切變更法度開邊之議遂興

洮河成功梅仙拓地然後經理西南小羌韓存寶以弗績誅繼而

永樂

學津本作洛

大觚徐禧之徒死之由是恥於用明本兵上亦鬱陶成疾

元祐初政廟堂諸公共議捐其所取紹聖崇寧紹述之說舉竄逐

棄地之柄臣取青唐進築湟

明本作國

鄯銀夏至童貫蔡攸乃啓燕雲之

役馴至靖康之禍悉本二子紹述思之令人痛心疾首

明本有焉字

元祐黨人天下後世莫不推尊之紹聖所定止七十三人至蔡元

長當國凡所背已者皆著其間殆至三百九人皆石刻姓氏

明本作名

頒行天下其中智愚溷淆不可分別至於前日詆訾元祐之政者亦

獲廁名矣唯有識講論之熟者始能辨之然而禍根實基於元祐

嫉惡太甚焉呂汲公梁况之劉器之定王介甫親黨呂吉

明本誤作汲

甫

章子厚而下三十人蔡持正親黨安厚卿曾子宣而下六

明本無十六字

人榜之朝堂范淳父上疏以爲殲厥渠魁脅從罔治范忠宣太息語同列曰吾輩將不免矣後來時事既變章子厚建元祐黨果如忠宣之言大抵皆出於士大夫報復卒使國家受其咎悲夫

元祐初修神宗實錄秉筆者極天下之文人如黃秦晁張是也故詞采粲然高出前代紹聖初鄧聖求蔡元長上章指以爲謗史乞行重修蓋舊文多取司馬文正公涑水紀聞如韓富歐陽諸公傳

及敘劉永年家世載徐德占

明本誤作占德

母事王文公之詆宋

宋字明本作永年二字學津本

同

常山呂正獻之評曾南豐邵

明本無邵字

安簡借書多不還陳秀公母

賤之類所

明本作取

引甚多至新史於是裕陵實錄皆以朱筆抹之且究

問前日史臣悉行遷斥盡取王荊公日錄無遺以刪修焉號朱墨本陳瑩中上書曾文肅謂尊私史而壓宗廟者也其所從來亦有

本焉覽

明本有之字

者熟究而考之當知此言不誣

紹興庚申金虜以河南故地歸我詔以孟富文庚學津本作庚爲東京留

守富文辟畢少董良史以自隨未幾虜敗盟少董身陷僞地者累

年嘗明本作常於相國寺鬻故書處得熙豐日歷殘帙數葉無復倫序明本作敘

少董南歸出以相示於是緝其可以傳信者凡八條今錄於編亦

有已見裕陵寶學津本作日明本同錄中者併存之云以下明本另條提行學中

書劄子度支員外郎充龍圖待制秦鳳路經略安撫使呂大防奏

伏見本明本有州字路鳳翔府寄居著作佐郎前崇文院校書郎張載學

術精深性資方毅昨因得告尋醫未蒙朝廷召命義難自進老於

田間明本作間衆所共惜臣未敢別乞朝廷任使欲望聖慈且令召還書

館舊職有不如臣所舉甘坐罔上不忠之罪俟學津本作候勅旨奉聖旨

依奏許朝參令發來赴闕依舊供職

又云中書省劄子已降勅旨奉使高麗船第一隻賜號凌虛致遠

安濟神舟第二隻賜號靈飛順濟神舟右奉聖旨額且明本作宜令御書

院如法書寫一面疾速入急遞至明州交割及本州製造牌額安排所有勅牒令安燾等收掌

又云均州奏爲本州編管前漳州軍事判官練亨甫逐次與兄練劼弟練冲甫往女弟子魯麗華家踰濫後收養在寶林院郭和尚房下令求食因探見魯麗華與百姓王九在店飲酒喚歸寺毆打魯麗華致樂營將申舉已送司理院照對去訖奏聞

又云晉州奏據雄州防禦推官知秀州崇德縣事充晉州州學教授陸長愈狀欲乞今後春秋釋奠並以兗鄒二公配享如允所請乞卽下禮部定奪次序立式伏乞備錄

明本無錄字

聞奏州司所據陸長

愈狀奏

明本無奏字

聞候

明本無候字

勅旨尋下太常寺定奪申部令據本寺狀

看詳先

明本作至

聖文宣王以先師顏子配享及以次從祀皆其門弟子

也孟子知道固當

學津本有知字

尊禮然與孔子異代難與顏子並行配享

之禮所請難議施行申部看詳太常寺所定未得允當古者配享

及從祀但取著德立功其道有

明本又作

以相成者不必皆用同時之人

如蜡之祭也主先嗇而祭司嗇先農之配卽以后稷神勾芒爲少

昊氏之子祝融爲高辛氏火正今春秋之祭則勾芒配伏犧祝融

大庭迎氣之日又爲從祀是

明本無是字

異代之人得爲配祀明矣唐正

秦本作正沿宋本避帝諱也以下悉同明本作貞

觀二十一年詔伏勝

明本作生其下有與字

高堂生杜預范

甯之徒二十一賢與顏子俱配享孔子廟堂至今猶爲從祀孟子

明本有亦字

於孔聖之門嘗

明本作嘗學津本同

在顏子之列至於荀况揚雄韓愈皆

發明先聖之道有益學者久未配享誠爲闕典伏請自今春秋釋

奠以鄒國公孟子配享文宣王設位於堯國公之次所有荀况揚

雄韓愈並以世次先後祀於左邱明等二十一賢之間所貴上稱

聖朝褒崇儒賢備修祀典之意謹錄奏聞伏候勅旨帖檢會左丘

明至范甯等二十一人並封伯爵如允所請卽乞荀况揚雄韓愈

並加封

明本作伯爵

爵自國子監及天下至聖文宣王廟皆塑鄒國公像其

冠服同竟國公仍畫荀况等像於從祀之列荀况在巨明之下揚雄在劉向之下韓愈在范甯之下

以上二句明本無

冠服皆從封爵奉聖旨

依

又云勅下江東轉運司斷太中大夫充龍圖閣待制知

明本無知字學津本同

江寧府陳繹爲前知廣州日將造到公使庫檀木觀音將松木觀

音換檀木觀音入己并將公使錢糴糧餵飼自己白鵬等并役使

土丁槍手修築廨宇內地基及并將官乳香於神寺獨自焚燒并

申奏辨明所犯虛詐及取勘時逐次虛妄等

明本作對

罪并男承務郎新

差汝州洛南稻田務陳彥輔役

明本作從

使廣州軍人織造木綿生活

等罪并取勘虛妄併將仕郎試國子監四門助教郭應之於廣州

公使庫受供給與陳繹管勾宅庫買

明本有實字

物虧價陳繹合追見在

太中大夫舊官職

明本無官字學津本無職字

諫議

明本無諫議二字

大夫龍圖閣待制或以

職當徒一年勒停緣前項輕罪內犯盜賊一正仍令准

明本有制字

例追

毀出身以來誥勅文字除名勒停放明本陳彥輔各從杖一百私罪
上定斷罰銅十斤放郭應之該赦奉勅並依斷內陳繹特免明本除
名勒停落龍圖閣待制仍追一官差知建昌軍替鄭琰成資過滿
闕陳彥輔特衝替

又云王安石劄子奏幸遭

明本作過

聖運超拔等夷知獎眷憐逮兼父子

戴天負地感激

學津本作滿

難勝顧迫衰殘糜捐何補不勝螻蟻微願以

明本無以字

臣今所居江寧府上元縣園屋爲僧寺一所永遠視

學津本作祝

延

聖壽如蒙矜許特賜名額廣昭希曠榮遇一時仰憑威神誓報無
已取進止奉聖旨依所乞以報本禪寺爲名額其中載練亨甫事

學津本有亨甫二字

以知經術馳名熙寧間爲王荊公之高弟而所坐乃爾殊

不可曉又恐在謫籍一時官吏迎合觀望如秦少游未可知耳

章聖朝种明逸抗疏辭歸終南舊隱上命設燕禁中令廷臣賦詩
以寵其行獨翰林學士杜鎬辭以素不習詩誦北山移文一遍明

逸不憚云野人焉知大丈夫之出處哉熙寧中王荊公進用時有

王

明本衍一字

介中父者以詩詆之云草廬三顧動幽蟄蕙帳一空生曉

寒荊公不以爲忤但賦絕句云莫向空山覓舊題野人休誦北山移丈夫出處非無意猿鶴從來不自知蓋取於此中父三衢人也昭陵時中制科仕裕陵爲從官子沈之彥允漢之彥周渙之彥昭滄之彥楚皆近世名卿今家居京口

熙寧中有太廟齋郎姜適者淄川人樞密遵之孫嘗從開封

明本無封字

府覓舉還鄉途中有平輿數乘每相先後初亦不暇問之既抵里中乃徑趨其家適出詢之有婦人焉顏色絕代方二十餘語適曰吾來爲汝家婦適曰吾納室久矣豈容他人婦云使足下自有妻我願妾御無悔反覆酬酢久之適知其怪然勢不容拒遂以廊廡間空屋數楹處之徐觀其變婦者亦有使令自置烟爨烹飪飲食無異常人略無毫髮之擾亦不與之講男女之好也既無從話其

來歷但闔

明本作合
學津本同

門畏懼而已積是逾年人情相與亦頗稔熟忽

有道人直造舍婦一見掩袂大哭明本作嘆道人者語適云子倘不遇我

禍有不可言者此婦人二字明本無劍仙也始與其夫亦甚和鳴終乃反

目婦易形外避其夫訪於天下今將迹至君家來殺此婦并及君

焉吾先知之萬里來救君命今夕必有異子但閉目明本作門勿開安以

待之可保無虞是夕三鼓後忽窗中劃然有聲見二劍自空飛入

適如其言瞑目安坐少焉二劍盤旋於適頭明本作頭之前後天將曉矣

忽聞喝聲甚厲云可啓觀卽蚤來之道人也下視之有人首一血

流滿地道人曰可賀矣腰間瓢中取藥一捻布之二字明本作地血化爲白

水人首與道人俱不見次日婦人亦辭謝而去適自此神氣秀爽

不復以明本無以字利名縈心屏妻子常往來鄠杜之間以藥餌符水療

人之明本無之字疾數見奇明本無奇字效時人敬之其後孫處恭安禮所言如

此安禮君子人也所言必不妄明本此下另爲一條明清近觀熙豐起居注云

元豐四年慈聖光獻皇后上仙裕陵追慕至忘寢食適詣闕上言

能使返魂上亦信之使試其術且載其施行云太廟齋郎姜適進

狀稱係虞部郎中正觀之子光祿寺丞緯之姪爲學道休官有法

能教

明本作致注云教一作教學津本作致

太皇太后復生詔差御藥院李舜舉傳宣中

書密院兩府南廳聚

明本作聚

詢本人稱限六十日內當如其所陳於京

師城西

明本作內

金明池內修壇作醮差御藥監及宣使賜淨

明本作靜

衣一套

至期無驗復詰之云太皇

學津本作后

方與仁宗凭玉闌干賞千樹梅花

無意復思人間上以狂妄除名送宿

明本作秀學津本同

州編管後不知所終

元祐三年東坡先生自翰苑出牧錢塘道緜

明本無解字

毗陵之洛社時

孫仲益之父教村童於野市茅簷之下仲益方七八歲立於岸側

東坡望見奇之呼來前與語果不凡詢其所學方爲七字對矣與

之題云衡茅稚子璠璣器仲益隨聲應之云翰苑仙人錦繡腸大

加賞歎贈之以縑酒囑其父善視之後來果爲斯文之主盟